

Kugbɔnku kua Pɔl kele' ki de'
Kolɔs
yaab nnɔ
Nà wɔngh kugbɔnku kuu te
ma bo

Kolɔs yé Asi ya tinfɛnm ya ducien uba nɛ. Ní naan Pɔl nin u'yul ɲa jon' ni'bó. U'tonsɔntɔ Epafas nɛ cin' ki tɔke' ni'bó Yesu ya gber (1:7; 4:12).

Pɔl cii' bitonnɛndɛnb biba wɔknh Kolɔs yaab miwɔknm mà ɲa kpe sɛn ki tɔkeh bɛ ki teh bi li paan iyaajɛbok bo nɛ kí ɲmɛre. U te lipɛkl ni ka rí fre kí jo ni'bó ma nnɔ nɛ ki kele' kugbɔnku kuu nɔ ki de' bɛ.

Kí cin liyul 1:1 kí tí baa 2:5 Pɔl wuɔn' ki ye Yesu Kristo nɛ ɲmɔbe mituɔm tibont kɛ bo, ki yé u'taanl ya yul. Wɔn nɛ kpe bɛ rí li pukeh wɔ.

Kí cin iyul 2:6 kí tí baa iyul 2:23 Pɔl tɔkeh Kolɔs yaab ki teh bɛ rí liike bi'yul bo, ki la li cengeh binib bà wɔknh miwɔknm mà ɲa kpe sɛn nnɔ ya gber, ama bɛ rí li co bi ɲmɔbe mitekjim mà nnɔ kenken.

Kí cin iyul 3 kí tí baa 4:6 Pɔl tɔkeh bɛ bi li fuobe ma bo itáan ni nin idɛncɛn ni nin binitɔb nɛ. U tí fɔre' kugbɔnku kuu nɔ nin ifuonde nɛ (4:7-18).

Ifuonde

¹ Min Pɔl, n yé *Yesu Kristo ya tond nɛ Uwien ya yíem bo. Min nin tí'ninje Timote nɛ kíɛh kugbɔnku kuu tí de

² ninbi ti'yaab bà te Kolɔs ya du ni ki yé Uwien yaab ki du Kristo bo nnɔ. Ti'Baa Uwien ní juoke nɛ, kí de nɛ uyenduɔn.

Pɔl faareh Uwien Kolɔs yaab bo

³ Uyo wà kɛ ti kàareh ti'Yonbdaan *Yesu Kristo ya Baa Uwien ki dienh nɛ la, ti tuu ki faareh wɔ ni'bo nɛ;

⁴ kime ti cii' ni tùɔre' ki teke' *Yesu Kristo ki jin', ki tùɔre' ki yíe Uwien ya nib kɛ

⁵ kí ñɛ lidɛndɛnl là Uwien ble' lè paaki bó ki gu nɛ nnɔ bo. Ni cii' lidɛndɛnl nnɔ bó lidaali là bi cinde' ki tɔke' nɛ tigbɛmɔnmɔnt tà yé tigbɛmɔnt nnɔ nɛ.

⁶ Bi tɔke' nɛ tigbɛmɔnmɔnt nnɔ ma bo nnɔ, bi tɔke' tù nnɔ nɛ uɛndun ni ni'kɛ saan, tù cèreh binib teknh *Yesu ki jinh ki yɛbreh ki joh, ki teh nà mɔn. Tù là tien' ni'mɔ nnɔ nɛ, lidaali là ni cinde' ki cii' Uwien ya juokm ya gbɛr ki bɛnde' tù mɔnmɔnm nnɔ.

⁷ Ti'jɔ nin ti'tonsɔntɔ Epafa nɛ wɔkn' nɛ. U yé ni'bo Kristo ya tonsɔnl wà ti du u'bo nɛ.

⁸ U tɔke' tɛ *Mifuoñaanm cèreh ni yíe tɔb ma bo.

⁹ Nɛn bo nɛ haali nin lidaali là ti tĩ cii' ni'gbɛr nnɔ, ti kàareh ki dienh nɛ ka pieh, ki gbáanh Uwien wɔ ní cère u'Fuoñaanm ní de nɛ miyɛnfuom nin mibɛnm isɛn kɛ ni, ɲɔ ní bɛnde u yíe nà kí tĩ gben.

¹⁰ Nnɔ nɛ ni li ɲmɔbe mitetem mà selndeh Yonbdaan, ki li teh nà kɛ sɔnge u'yɛnm, ki li sɔnh itùonmɔnmɔn kɛ ya bol, ki li tùɔreh ki bɛndeh Uwien mɔ ki pukndeh.

¹¹ Ti gbáanh wɔ ki teh u'tuɔm mà ɲmɔbe ukpɛke nnɔ ní cère ni'mɔ ní lɛ mituɔm kí li faa isɛn kɛ ni, kí li ñikndeh, kí li ɲmɔbe kuminku mibiikm mà kɛ li tu nɛ ni.

12 Li faareh mɛn Baa Uwien nin uyɛnsɔnge, kime u tien' nɛ binib bɑ kpe bɛ n lɛ bi ya bɔ u bonde' mimɔnm mɑ u'bel lɑ yɛ kuwenwenku ni ki ble' bɑ yɛ u'yaab nnɔ.

13 Wɔn nɛ fie' tɛ licinɲunl ya tuɔm saan, ki nɛbre' tɛ ki jon' u'Bijɛ wɑ u yɛ wɔ ya bel ni.

14 U'Bijɛ nnɔ nɛ dɛ' tɛ ki wiɛ', ki cɛrɛ' u fɛrɛ' tɛ ti'biɛrɛ.

Iyuon yɑ dondeh Kristo

15 U yɛ Uwien wɑ ba lɛnh wɔ ya nɛnnɛnku nɛ, ki te ki laa' uɲɛndun ŋa laan te,

16 Uwien cɛrɛ' wɔn nɛ ŋɛn' tibont kɛ, kutaaku bo yaar nin kitink bo yaar,

bi lɛnh tɑ nin ba lɛnh tɑ,

Tibont tɑ kɛ te kutaaku bo ki ŋmɔbe mituɔm kɛ ya bol,

nin tɑ kɛ ŋmɔbe ticiɛnt kɛ ya bol,

Uwien cɛrɛ' wɔn nɛ ŋɛn' tu'kɛ,

nɛ tu'kɛ mɔ yɛ u'yaar nɛ.

17 U te ki laa' tibont kɛ ŋa laan te,

wɔn nɛ cɛrɛ' tibont kɛ te tu'bɔɔl.

18 Wɔn nɛ yɛ u'taanl ya yul,

nɛ u'taanl yɛ u'gbɛnɛnt,

Wɔn nɛ yɛ micincinm,

ki yɛ wɑ kpiɛ' ki mɛkre' bitɛnkpiib ni,

ŋɔ wɔ n lɛ yɛ usɛnlier isɛn kɛ ni.

19 Kimɛ Uwien ya yɛm bo nɛ wɔn nin u'yul te u'Bijɛ ni ki ti gben',

20 ki cɛrɛ' u'Bijɛ bugbɛn bo,

wɔn nin uɲɛndun taan' buɲɔbu,

ŋɔ ni'kɛ n lɛ yɛ u'Bijɛ yann,

u'Bijɛ ya sɛm mɑ ŋɛn' ki wule' udɔpɔnpɔn bo nnɔ bo nɛ,

u cèreh' uñɔkpaan te kitink nin kutaaku bo.

²¹ Uyo uba ni'mɔ là yé binib bà jende' Uwien nɛ, ki yé u'nennendb kí ñɛ ni là ηmɔbe iyenmaale yà ì cèreh ni teh nà bre nnɔ bo.

²² Ama fɛnfɛnnɔ Uwien cèreh' ninbi nin wɔn taan' buñɔbu kí ñɛ u'Bije tien' u'ba unisaal ma ki tuo' ki kpo' nnɔ bo. Uwien tien' nnɔ ηɔ ní fre kí sere u'nun bó, kí li yé u'yaab, ki la ηmɔbe jɔknt, ki la li ηmɔbe biil mɔ nɛ.

²³ Ama ní li faa mitekjim ni, kí li co kenken. Ni là cii' tigbɛmɔnmɔnt ma nnɔ, tù cèreh' ni ηmɔbe lidɛndɛnl nɛ. Ni la wiɛ lidɛndɛnl nnɔ. Bi kpaande' tù utingben bo ya nib kɛ saan nɛ. Nɛ min Pɔl ya tuonl si: ní kpaande tu ya gbɛmɔnmɔnt nɛ.

Pɔl mɔh ki toreh Kristo ya taanl

²⁴ Fɛnfɛnnɔ n jinh ijend yà ni'bo nɔ n'yɛnm sɔnge nɛ; kime Kristo là jin' ijend yà nnɔ, n'mɔ tükre' i ya jend nɛ ki jèndeh u'taanl là yé u'gbɛnɛnt nnɔ bo.

²⁵ N yé litaanl nnɔ ya tonsɔnl ηɔ ninbi bo, Uwien de' nni lituonl là nnɔ ní sɔn lè nɛ. Lɛn si: ní tɔke nɛ Uwien ya gber kí tì fɔre.

²⁶ Tù yé tigbɛbɔlkaar tà Uwien là bɔle' tù uyo bo yaab nɛ. Nɛ fɛnfɛnnɔ u kpiire' tù ki tɔke' u'yaab.

²⁷ U yie bɛ ní bɛnde tigbɛbɔlkaar nnɔ yé lifaal ki tì kpɛ ma bo nɛ, ki ηmɔbe ukpieke bà ηa yé *Sufmbɛ ni. Ni'tingi si: Kristo te ni'siik ni ma nnɔ, ni ηmɔbe lidɛndɛnl ki ye ni li lɛ Uwien ya kpieke.

²⁸ Ti tɔkeh wɔn Kristo ya gber nɛ, ki gbierɛh unil kɛ, ki taah miyɛnfuom kɛ ya bol ki wɔknh unil kɛ ηɔ unil kɛ ní li mɔn Kristo ya sɛn ni kí tì gben.

²⁹ Nɛn bo nɛ n sɔnh lituonl. Kristo ya tuɔm mà te n'gbɛn ni ki ñaanh nnɔ nɛ cèreh n mɔh lituonl bugben bo nin inunmɔn.

2

¹ Imà̀n, n yíe ní bende n m̀àh limuàl là ya tunbu nin inunm̀on ninbi nin Lawodise yaab nin binitàb bà ke ɲa laan laa' nni nin bi'nunbu bo ne.

² N teh nnɔ ɲɔ bi'fèl ní li co, be ní li kpe buñɔbu, kí li yíe tɔb, kí li ɲm̀obe mibenm kí tì gben ne. Mibenm nnɔ ne li c̀ere be ní bende Uwien ya bonbɔlkaann. Nen si: Kristo bugben.

³ Miyenfuom nin mibenm ɲm̀obe lifaal là ke nnɔ buɔ wɔn saan ne.

⁴ N t̀akeh ne nen ɲɔ uba la taa ñɔɲmaagber tuba kí lere ne ne.

⁵ Kimɛ nin ma te ni'ni ma ke nnɔ, n tuu ki maaleh ni'bó ne. N'yenm sɔnge ni'bo, kimɛ n laa' tibont ke te tu'donbó ne ni'bùol, ki laa' ni du Kristo bo nin ni'fèl ke.

Kristo ne dienh limiɛl

⁶ Ni teke' ki ye *Yesu Kristo ne yé Yonbdaan ma nnɔ, li pe men u'sen bo.

⁷ Tùɔre men kí tɛbn wɔ, kí c̀ere ni'miɛl ní li juɔn u'bo. Li faa men mitekjim ni ten bi là wàkn' ne ma bo, kí li faareh Uwien yo ke yo.

⁸ Li ben men, ki la c̀ere uba ní dele kí cuo ne nin tinisaalyenfogber. Tù yé gbefenm ne, ki yé kutonnɛnku m̀ɔ, ki ñen' unisaal ya yaajɛbok nin isenpol yà ɲuuke uɲendun wuu nɔ saan, ta ñen' Kristo saan.

⁹ Kimɛ Uwien nin u'yul te wɔn Kristo ni ne ki tì gben'.

¹⁰ Ninbi nin wɔn Kristo taan' ki tien' unibaab ma nnɔ ne ni laa' mimɔnm ke ki tì gben'. Wɔn ne cen' nà ke ɲm̀obe mituàm nin ticiɛnt ke ya bol.

¹¹ Ninbi nin wɔn taan' ki tien' unibaab ma nnɔ, nì te ten ni jie' ni'pun ne. Upunjiɛ nnɔ ɲa yé nisaal

Ƶɛh ipun ma bo, ama u n̄ɛn' Kristo saan nɛ ki gbendeh minisaaltetem mà cèreh unil teh ibiere nnɔ ya gber.

¹² Bi s̄ii' nɛ Uwien ya n̄unm ma nnɔ n̄i wuɔn' ki ye bi taan' ki sube' ninbi nin Kristo nɛ, nɛ ninbi nin wɔn taan' ki mɛkre' mɔ, kimɛ ni teke' Uwien ya tuɔm mà cèrɛ' u mɛkre' bitɛnkpiib ni nnɔ ki jin'.

¹³ Ni là te tɛn bitɛnkpiib nɛ Uwien ya nun bó, kimɛ ni là teh ibiere nɛ, ka yé u'nib* mɔ. Ama u cèrɛ' ni liebe' ki fuobe nin Kristo, ki fèrɛ' tɛ ti'biere kɛ.

¹⁴ U n̄mire' tigber tà bi là kele' tù kugbɔnku ni tù biindeh tɛ, ka cendeh nin ti'fuobm kí n̄ɛ tù ble' iwɔb yà nnɔ bo; ki gben' kugbɔnku nnɔ ya gber Kristo ya dɔpɔnpɔn bo.

¹⁵ Kristo fie' nà kɛ n̄mɔbe mituɔm nin ticiɛnt kɛ ya bol ya jɛkɔnwɛnt, ki jin' nè ifɛ binib kɛ ya nun bó, ki tuke ni'kɛ ki lindeh wɔ n̄i wuɔn kí ye udɔpɔnpɔn nɛ cèrɛ' u mɔn' ki faake'.

¹⁶ Nɛn bo, la cèrɛ mɛn uba n̄i kùɔn nɛ kí ye ni la ji niɛ, ki la n̄u niɛ, ki la cèrɛ uba n̄i wɔbn nɛ libinl ya nacent nin uɲmaafaan ya nacentu nin *Saba ya daali ya gber bo.

¹⁷ Tu ya bont yé nà li baa n̄i ya jinjinku nɛ, ama Kristo bugben nɛ yé nibonmɔnn.

¹⁸ La cèrɛ mɛn bà bɔndeh binib ya nun bó ki teh bi yé binib bà dinge, ki pukeh Uwien ya tondb nnɔ n̄i juon nɛ puoli. Bi lienh ki teh bi lenh tibont tidɛknt yaam, nɛ ki n̄mɔbe inisaalyɛnmaale, ki teh tinacenkpenkuont.

* **2:13** Bi lɛbre' liñɔbonl là ki ye *ka yé u'nib* nnɔ; li kele' Grekmbɛ ya lenm ni ki ye: Ni là yé binib bà n̄a j̄iɛ' pun nɛ.

19 Ba tuuke Kristo bo. Ama u'mɔ nɛ yɛ liyul. Liyul nɛ jindeh tighɛnɛnt kɛ, ki cɛrɛh tighɛnɛnt ya bont tuuke tu'tɔr bo ijire coco tɔ, nɛ Uwien cɛrɛh tɔ kpɛnh u yie ma bo.

20 Ni taan' ki kpo' nin Kristo nɛ ki ñɛn' isɛnpol yà ŋuuke uɛndun wuu ya nuɔ ni. Nɛn bo, bɛ tien' ni biɛ ki cɛrɛh bi wɔbndɛh ki diɛnh nɛ i ya kùɔn tɛn uɛndun nɛ cɛrɛ' ni fuobe?

21 Bɛ tien' ni cɛrɛh bi kùɔndɛh nɛ ki teh: la taa mɛn niɛ, ki la lɛn niɛ, ki la mɛ niɛ.

22 Nɛn kɛ yɛ iwɔb yà te ki de' tibont tà binib jin' tɔ ki tɔ gben' la, ta ji ŋmɔbe kpɛle nɛ. Unisaal nɛ ñɛn' i ya wɔb ki wɔknɛh yɛ binib.

23 Iwɔb bugbɛn ya gbɛr te tɛn miyɛnfuom nɛ ka ji yɛ yɛnfuom. I tɔkeh unil ya yɛnm yie wɔ ní li pukeh nà ya gbɛr nɛ, ki cɛrɛh binib teh tɛn bi jiindeh bi'ba tingi, ki jɛndɛh bi'ba. Iwɔb nnɔ ŋa yɛ bonn, i toreh unisaal wɔ ní li teh u'yɛnm yie nà baba nɛ.

3

Li nuunh mɛn tibont tà yɛ Uwien jaar

1 Ni taan' ki mɛkre' nin Kristo ma nnɔ, li nuunh mɛn paaki bó ya bont Kristo kɛ nà saan Uwien ya jie bó nnɔ.

2 Cɛrɛ mɛn ni'yɛnmaale ní li pɛ tibont tà te paaki bó bo, ki la tɔnge tingi ni jaar.

3 Kimɛ ni kpo' nɛ ni'miɛl buɔ Kristo saan, nɛ Kristo mɔ buɔ Uwien saan.

4 Kristo nɛ yɛ ni'miɛl. U lá li ñɛn u'ba upaan bo uyo wà nnɔ ni'mɔ li taan nin wɔ kí ñɛ upaan bo, kí lɛ u'kpɛke.

Mitetekpaam nin mitetɛfɛnm ya gbɛr

⁵ Sii ki subn mɛn tibont tà te ni'fuobm ni ki yé kitink bo yaar nnɔ. Tun si: lisənsəndl nin linaŋmaal nin ujenniɛke nin iyenmaalbiere nin ununfəke lifaaciɛnl bo. Lifaaciɛnl yé unil bo ibule nɛ.

⁶ Nɛn nɛ cèreh Uwien ya benku ni beh bà ŋa ciih u'ŋəbu bó nnɔ bo.

⁷ Uyo wà ni là teh i ya biere nnɔ, ni'mɔ là ŋmɔbe mi ya tetem nɛ.

⁸ Ama fɛnfɛnnɔ, ni'mɔ ní wiɛ tibont tuu kɛ. Tun si: ubenpiebe nin tijɛr nin mibiɛrm nin isuk nin iŋəbonbil yà ŋɛh ni'ŋuɔn ni nnɔ.

⁹ La təkɛh mɛn tɔb tonnɛngbɛr. Ni gben' ni'tetekpaam nin mɔ là cèreh ni teh tibont tà kɛ nnɔ ya gbɛr,

¹⁰ nɛ ki taa' mitetefɛnm, ki ji yé binifɛnb. Uwien nɛ cèreh ni tuu ki fɛndeh ki joh, ki nɛngreh wɔn wà ŋɛn' nɛ nnɔ. Nnɔ nɛ ni li tùɔre kí bɛnde wɔ.

¹¹ Nɛn bo, na ji ŋmɔbe wuɔ yé Suf nɛ wuɔ ŋa yé Suf, ka ji ŋmɔbe wuɔ yé wà jie' u'punl nɛ wuɔ yé wà ŋa jie' u'punl, ka ji ŋmɔbe wuɔ yé ucaan nɛ wuɔ yé wà ya nun ŋa wien, ka ji ŋmɔbe wuɔ yé uyonb nɛ wuɔ ŋa yé yonb. Ama Kristo nɛ yé ni'bo nibonn kɛ ki te unil kɛ ni.

¹² Uwien nɛ gɛnde' nɛ ki tien' nɛ u'yaab, ki yíe nɛ. Nɛn bo, cère mɛn ni'nun ní li mɔn tinimənt bo, kí li muɔh tɔb micɛɛkm, kí li jiindeh ni'ba tingi, kí li ŋmɛ nin tɔb, kí li ŋmɔbe liyɛnguol,

¹³ kí li ŋmɔbe sukɛ tɔb bo. Uba kɔnh nin u'tɔ nibonn niba bo la, bɛ ní li fèreh tɔb. Yonbdaan fère' nɛ ma nnɔ ni'mɔ ní li fèreh tɔb.

¹⁴ Ni li tùɔreh ki teh nà si: ní li yíe tɔb nɛ, kime miyíem nɛ cèreh binib tùɔreh ki te uŋəkpaan ni.

¹⁵ Kristo ya yɛnduɔn ní li te ni'fɛl ni ki pekreh nɛ.

U ya yenduɔn bo nɛ Uwien yin' nɛ nɪ taan kɪ li yɛ unibaab. Nɛn bo, li tuu ki faareh wɔ mɛn.

16 Cɛrɛ mɛn Kristo ya gbɛr ɾ tɔrɛ kɪ kpɛ iɾɾaan ni'fɛl ni. Li wɔknh mɛn tɔb, kɪ li taah miyɛnfuom kɛ ya bol ki gbierɛh tɔb. Li dondeh mɛn Uwien, kɪ li gɛh iyuon kɛ ya bol nin ni'fɛl kɛ ki faareh wɔ.

17 Ni lienh nà kɛ bii ni teh nà kɛ la, cɛrɛ mɛn ni'kɛ ɾ li yɛ Yonbdaan *Yesu ya yel bo, kɪ li faareh Baa Uwien wɔn bo.

Kristo yaab li fuobe ma bo bi'dencɛn ni

18 Bipiibɛ, li blinh mɛn ni'yul ni'ciɛb ya nun bó. Nɪ kpɛ bipiib bà pɛ Yonbdaan bo ɾ li teh nnɔ nɛ.

19 Bijɛbɛ, wà kɛ ɾ li yɛ u'po, ki la cɛrɛ u'benku ni ɾ li pendɛh u'bo.

20 Mubumu, li boh mɛn ni'naambɛ nin ni'baambɛ isɛn kɛ ni, kimɛ nɛn nɛ sɔngɛ Yonbdaan ya yɛnm.

21 Bibaambɛ, la cɛrɛh mɛn ni'bumu ya yɛnm ɾ li ñɛh ni'ni. Ni teh nnɔ la, mu'yɛnm li saa nɛ.

22 Iyonbe, li boh mɛn ni'cɛnbaambɛ uɾɛndun wuu ni isɛn kɛ ni. Ni la li boh bɛ bi'nun ni baba tɛn ni nuunh binib nɛ ɾ li pɛkɛh nɛ, ama nɪ li boh bɛ nin ni'fɛl kɛ kɪ ñɛ ni boh Yonbdaan ma nnɔ bo.

23 Ni teh nà kɛ la, nɪ li teh nɛ nin ni'fɛl kɛ tɛn ni teh ki diɛnh Yonbdaan nɛ, na teh ki diɛnh nib,

24 kɪ li bɛn ki ye Yonbdaan Uwien li su nɛ nin u bonde' mimɔnm mà ki ble' bà yɛ u'yaab nnɔ. Ni teh ki diɛnh Kristo nɛ, wɔn nɛ cinbe ki yɛ ni'cɛnbaa.

25 Wà teh nà bre la, Uwien li dɛrɛ udaan ya tub u teh nà nnɔ bo nɛ, kimɛ Uwien ɾa ɾmɔbe gɛngɛnde.

4

¹ Iyonbe ya cɛnbaambe, li teh mɛn ni'yonbe na cuube, ki la li yie uba ki cɛn' u'to; ki li bɛn ki ye ni'mo ηmabe Cɛnbaa paaki bo.

Igbiere

² Li kaareh mɛn ki la pieh. Ni'kaare n cɛre ni la goh ki li faareh Uwien.

³ Ni yekn ki li kaareh ki dienh ti'mo ηo Uwien n de te usɛn ti wɔkn binib u'gbɛr, ki toke bɛ Kristo ya gbɛbɔlkaar ta bo n te lipɛkl ni no.

⁴ Ni kaare wɔ ηo n tuore ki nɛn tigbɛbɔlkaar nno upaan bo ki toke tu, n bi li toke tu ma bo.

⁵ Li ηmabe mɛn miyɛnfuom, ki li te monmonm nin ba ηa ye Kristo yaab. Uyo wa ni laa' libonl ni tien na mon la, tien ne mɛn.

⁶ Cɛre mɛn ni'gbɛr n li tuu ki ηmɛ ki suoke, ni li jiindeh wa ke ni kpe ni jiin wɔ ma bo.

Ifuondfɔrke

⁷ Ti'ninje Ticik wa n yie wɔ, u ye n'tonsantɔ Yonbdaan ya tuonl ni, ki sɔnh le monmonm nno, li toke ne n'gbɛr ke.

⁸ N sɔnh wɔ ni'saan na bo si: wɔ n ti toke ne ti'gbɛr, ki saake ni'gbɛnɛnt ne.

⁹ N li cɛre wɔn nin Onesim ne n toke. Onesim ye ti'ninje wa kpe ti li du u'bo ne, ne n yie wɔ. U ye ni'yo ne. Bi baa' ni'saan la, bi li toke ne tigbɛr ta ke te ti'bɔol.

¹⁰ Min nin Aristak wa te lipɛkl ni nno fuondeh ne. Banabas ya ninje Mark mo fuondeh ne. N la toke' ne u'bo ηo, u la baa ni'saan la, ni teke wɔ tinɔjɛr tule.

¹¹ *Yesu wa bi baan' wɔ Yustus nno mo fuondeh ne. *Sufmbɛ ba ye Kristo yaab nno ni, bɛn baba ne

sɔnh nin nni Uwien ya bɛl ya tuonl. Bi yé binib bà saake' n'gbɛnɛnt nɛ.

¹² Ni'yɔ Epefa mɔ fuondeh nɛ. U yé [Yesu] Kristo ya tonsɔnl nɛ, ki kàareh uyo kɛ nin inunmɔn ki dienh nɛ ηɔ ní li ηuuke mitekjim mɔnmɔnm, kí kpére mi'ni kí tĩ gben, kí li yé binib bà bonde' bɛ rí li teh Uwien yíe nà kɛ.

¹³ Imɔn, n yé u'mɔnkunl ki ye u'nun mɔn ninbi nin Lawodise yaab nin Herapolis yaab bo cɛɛn nɛ.

¹⁴ Ti'jɔ Luk wà yé dɔktie nnɔ nin Demas mɔ fuondeh nɛ.

¹⁵ Ní fuonde Kristo yaab bà te Lawodise ya du ni nnɔ, kí fuonde Ninfa nin Kristo yaab bà taakeh u'den nnɔ mɔ.

¹⁶ Ni kaan' kugbɔnku kuu la, ní cère bɛ rí kàan kù Kristo ya taanl là te Lawodise ya du ni nnɔ mɔ ni. Ni'mɔ rí kàan kùà li ñɛ Lawodise ya du ni kí baa ni'saan nnɔ.

¹⁷ Ní tɔke Akip kí ye wɔ rí tùɔre kí liike Yonbdaan de' wɔ lituonl là nnɔ, kí li sɔnh lɛ mɔnmɔnm.

¹⁸ Inɔbonfɔrke yíe nɔ, min Pɔl nin n'yul nɛ ji kíeh yè ki fuondeh nɛ*. La sunde mɛn n jèndeh ijend ya lípɛkl ni nnɔ bó.

Uwien rí juoke nɛ.

* **4:18** Kí ñɛ kugbɔnku kuu ya cinm kí lá baa 4:17 Pɔl lienh nɛ uba kíeh, ama wɔn nin u'yul nɛ kele' migbiirm 18.

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
f30fbe0b-cda1-5a60-a4ee-8be80c6caef6